

2. Odjeljak

Odobrenje za primjenu postupka - uobičajeni postupak

Član 176

(zahtjev za carinske postupke sa ekonomskim dejstvom)

(1) Osim u slučajevima iz stava 5. ovog člana i čl. 238, 316, 351 i 408 ove uredbe, zahtjev za odobrenje za primjenu carinskog postupka sa ekonomskim dejstvom (uključujući zahtjev za poslovanje carinskog skladišta ili primjenu postupka carinskog skladištenja), se popunjava u pismenom obliku.

(2) Zahtjev iz stava 1 ovog člana će biti popunjen na propisanom obrascu iz priloga 12 uz ovu uredbu. Podnosilac zahtjeva mora u zahtjevu navesti sve podatke, koji su potrebni za donošenje odluke.

Uzorci obrasca su u prilogima 12 A do 12 E uz ovu uredbu. Zahtjev mora sadržati potpis i datum.

(3) Ako organ carinske službe smatra, da podaci u zahtjevu nisu potpuni ili dovoljni za usvajanje odluke, može zatražiti podnošenje dodatnih podataka.

(4) Podnosilac zahtjeva će uz zahtjev iz stava 1 ovog člana priložiti dokumenta i dokaze, koji su potrebni za donošenje odluke. Dokumenta mora podnosilac zahtjeva predati u originalu ili ovjerenoj kopiji. Ovi dokumenti su sastavni dio zahtjeva, u kojem trebaju biti navedeni podaci o broju pratećih dokumenata.

(5) Organ carinske službe će odobriti izmjenu ili produženje pojedinačnog odobrenja na osnovu pismenog zahtjeva imaoca odobrenja za izmjenu ili produženje odobrenja, a pri tom će isti u zahtjevu navesti podatke iz prethodnog odobrenja kao i promjene, koje su bile potrebne.

(6) Osim u slučajevima pojednostavljenja, koji su predviđeni u čl. 238, 316, 351 i 408 ove uredbe zahtjev, koji ne ispunjava uslove iz st. 1 do 3 ovog člana i koji nije podnesen u skladu sa čl. 189, 226, 311, 347 i 398 ove uredbe, odbacuje se kao nepotpun.